


蘭藻堂集卷七 金粟吟

苴畝舒 瞻雲亭氏撰

留別山陰諸君子

蓬萊官閣越王州一片寒波滿目愁此地谿山應  
眷戀舊時裙屐本風流 新恩未許三年住小聚  
重為十日留惆悵錢清江上路暮雲春樹擁行舟  
訪安隱泉

五年不到臨平路此日重尋安隱泉陌上柔桑新  
雨後寺門垂柳早春前風塵宦轍元無定雲水生



涯信有緣却羨臯亭山色好對人青眼故依然

述懷寄竹田

握手塵埃中遂成歲寒圖中間人事乖分袂東西  
隅我願為明月隨君照綺疏圓缺雖有時清光摠  
不殊更願為青松霜雪能不枯何羨桃李花灼灼  
爭春腴江湖不相見寄君以鯉魚中有一寸心纏  
綿於尺書

闡中書懷呈分校諸君

秋燈回首撤闡初兩地雲山悵索居前度合并非

有約經年踪跡又何如庭前細雨春寒淺簾外微  
風夜漏踈惆悵扁舟阻携手渡江還望八行書

謂

少司馬同年  
時典試江左

三年彈指各東西社燕賓鴻兩不齊咲我風塵仍  
碌碌懷人春草又萋萋深沉試院忻重到冷淡生  
涯覓舊題咫尺天衢原不遠文星耿耿映青藜  
晚晴喜見月輪升宋寂春宵夜氣澄越角吳根多  
舊雨張南周北共青燈初心到此期無負具眼如  
君愧未能窻外清輝相對照分明一片玉壺冰

食葉春蠶不憚忙新翻花樣織文章三條官燭燒  
 深夜一道銀河漾斗光第五科名慚杜牧予中式  
 無復銜鑒憶歐陽謂前主司當年辛苦知何似獨  
 對青霄望眼長瑤岡侍御

三月二日晴

韶光連上已天意放新晴砌艸猶含潤林鳩已換  
 聲日長蓮漏緩風定篆烟輕午睡拋書卷詩魂一  
 枕清

喜晴用李鶴峯閣學苦雨韻

散盡濃陰午吹涼一簾春色轉斜陽新詩欲效彭  
 亨向小草親裁急就章花氣氤氳看乍好鳥聲格  
 磔聽初長佛家衣鉢真傳在試向行間覓瓣香

上巳新晴呈分校諸君子并訂西湖之游

花信風更第幾番濃陰未許一窺園虹銷天外逢  
 修禊人在春中快負暄時甚寒漫說文章追晋代可  
 能樽酒繼平原湖山勝會休嫌晚好趁新晴出郭  
 門

題李鶴峯閣學紀行詩卷後

神仙來自碧雞峯  
滌筆冰甌雪椀中  
彈到湘靈成絕調  
辨香合是浣花翁

才名爭羨摘驪珠  
二月星槎過五湖  
酒醒乍聞鈴鐸響  
曉行詩句儘堪圖

擘燭湘簾夜坐時  
如聞春雨響龍池  
也知天上黃河曲  
不是人間堠子詩

鞭絲帽影路重尋  
一髮青山暮靄沉  
最好杏花微雨後  
扁郎齊唱渡江吟

暮春湖上作

湖上春如許  
重來倍有情  
高枝啼鳥暗  
淺水落花明  
畫舫聞吹笛  
人家喚賣錫  
幾多蕭散意  
頓覺此身輕

同人湖上展穆門先生墓  
用皮襲美弔張處士韵

無復高吟對綺霞  
離居三載倍堪嗟  
沾衣湖上社公雨  
酌酒丹陽處士家  
落落交情負雞黍  
匆匆節物換鶯花  
過車尚記平生語  
清夢為君繞水涯

雨中湖上即事

錢塘門外水生鱗淡宕微颺轉綠蘋嵐影遠分三  
竺兩柳絲濃染一湖春烟波此日成嘉會觴咏經  
年憶故人謂裴少司馬同年可惜風光容易別山靈應咲

宦游身

春夜雨後汎湖同長卿竹田甌亭恒上人分

韻

一雨能留客湖光夜轉澄微茫聞夕磬明滅見漁  
燈遠岬烟霏斂群峯樹影層憑誰圖水墨試乞巨  
然僧

四照亭坐月分韻

兩餘春月增澄鮮清輝倒印波心圓造物予人有  
新貺東風吹我如登仙峯巒遠近翠欲滴水天上  
下光相連危闌徙倚夜將半空濛四望生雲烟

留宿湖上曉起入城

六橋楊柳外破曉放舟輕雲斷分山色風來起市  
聲烟霞昨夜夢塵土此時情未免奔馳累匆匆又  
入城

花燭詞八首為徐芳圃明府作

珠籠絳蠟色鎔銀官閣凝香疊翠裊年少羨君饒  
一着宦遊人是壻遊人

猩色屏風照碧紗宜男草茁合歡花定知穩卧黃  
紬被日影趁時早放衙

壓架紅薇曉露垂拈毫新賦述婚詩水沉香暖瓊  
簫潤未許春寒到被池

小隊笙歌送綵船晴光淡沲五湖天唯應仙令生  
花筆學畫蛾眉看上弦

筆架珊瑚映綺窓謝家才調孰能降從今六百輕

鸞譜添寫鴛鴦也自雙

樓閣玲瓏綺樹遮良辰次第過鶯花不須扇底窺  
顏色城北徐公是壻家

銀餅香度一枝新玉鏡回看黛影頻從此巾禱有  
餘艷深春淺夏盡花辰

繡薦初調鳳尾絃玉臺新詠已流傳東風忽阻扁  
舟興恨不親逢却扇筵

烟雨樓

縹緲高樓水一方窓開面面受湖光江山形勝連

蘭溪集 卷一 六  
吳越濠濮風流見惠莊青草平蕪隨岫遠白雲孤  
塔隔城長登臨人在空濛裏倚檻微吟未敢狂

初夏過角里山

扁舟望遙山山影落波底渚禽如導人飛向翠微  
裏橫斜竹外枝零亂一溪水烟畦何紆回荒堞俯  
川淡山容媚晴色濃淡弄野蘄入春無幾時渲染  
已如此我行圖畫中詩境逾清綺扣舷歌小海幽  
興殊未已

初夏同恒上人訪虎跑泉

遊山天氣半陰晴十里南薰拂袖輕  
渡屐未妨松徑滑一瓢新試石泉清  
古藤百尺穿崖曲早稻千畦夾路平  
更喜閑情同惠遠寺門橋上話無生

莖浦謝山同應粵東掌教之聘不及握錢詩

以送之

江城相訪惜離羣  
夢去榕陰路不分  
郭李同舟欣有伴  
山川接席喜論文  
琅玕遍探神仙字  
島嶼晴開蜃閣雲  
千載蘓韓陳迹在  
憑君藤笈證遺聞

雨後書懷



郊原初過雨夜氣悄然秋艸木沾新潤江湖動遠  
愁三年鄉夢斷千里暮雲稠悵望南飛雁音書寄  
我不

晚晴

雨銷殘照落霽景晚逾佳月色如新沐天光似乍  
揩西風牽旅夢秋氣入詩懷為愛涼陰好移舟淺  
水涯

秦駐山懷古

阿政鞭龍遊八極蓬萊仙島探奇術是時函谷正

東開萬乘旌旗照巖石誰知仙人不可求徐福入  
海無歸舟中原鹿死黃金盡空餘輦道留山邱茲  
山自昔名秦駐一峯聳立如孤注琪花瑤草何歲  
蕤中有靈藥無由取秋雨蕭蕭落葉堆美人黃土  
已成灰秦墓美桑田變幻有時有誰能與山爭崔  
嵬

梧桐房訪彭湘南

步屨來蕭寺梧桐一徑深西風吟落葉斜日散輕  
陰於此得詩境因之生道心縱談忘久坐明月上

東林

高士湖舟中懷雪舫

輕舟落波澹汎汎如一葉坐卧琉璃屏清寒入毛  
骨翻風蘆荻響浴日鷗鳧沒幽人不可見湖名傳  
自昔開樽對高秋散髮吹橫笛此樂逾百年聊爾  
繼前哲吾友工清吟七字妙梳剔至今湖中水冷  
然照翰墨沉吟待潮生野戍上孤月

玉菴訪恒上人

道人飛錫至小住古茆庵初地何年闢幽尋此日

諳秋虫移野岬佛火聚松龕欲證無言旨臞禪試  
靜參

秋日訪琴臺舊址同張鐵珊恒上人分韻

馬嘯城外伯牙臺疊疊烟蘿一徑開不見冰絃彈  
古調空餘蠟屐破荒苔海門潮落秋初晚野岬宵  
深月自來千載聞琴槁下水遺音嗚咽使人哀

既賦前詩意猶未盡復成一律

一咲人琴已杳然高臺空自倚寒烟孤村禾黍西  
風裏小市魚蝦秋水前落落知音當日少茫茫遺

響幾時傳携樽只合閒吟眺從古滄桑易變遷

雨後登千佛閣

傑閣橫雲峻來游趁晚晴  
牕虛涵霧氣地迥落潮聲  
遠樹千村暗殘霞一塔明  
海天似圖畫變幻有餘情

送恒上人還山

連朝清話洽幽襟世外相看有賞音  
秋雨數聲歸客夢白雲一片住  
山心野航滿載新詩去蠟屐長  
期初地尋預為已公堅後約小西湖待泛春深

時訂

游永安湖

秋日登長墻山

游目愛清秋野景入微步一峯遮我前  
蒼翠不可數山閑聞雞犬無人但烟樹  
行逐采樵迹始識前村路僧寮亦荒涼  
佛髻委塵土小憇意自佳啜茗得妙悟  
縱觀大海濤日月相吞吐畜鬣駕石梁  
橫絕不得渡俯矚納萬景狂歌愜野趣  
何時襍被來卧聽松間雨

擬古

孤生者桐虛心者竹秋風蕭寥伴我幽獨  
河西牽牛河東織女伊無聘錢誰慰獨處  
擊筑於市吹簫於吳紛紛殘客不如狂奴  
鳧短不足雀長有餘泰山毫芒其理一如

湖上口占

又是橙黃橘綠時眼前風景愜心期秋山瘦入倪  
迂畫湖水清如玉局詩紅蓼恰宜鷗夢穩白雲不  
礙鶴歸遲箇中別有幽閒意說與旁人恐未知

送杜補堂太守赴河間任

龔黃清節遍三州截鐙依然挽不留照去關河千  
里月攜將琴鶴一船秋頭銜已占西湖長賓從猶  
思禊日游白髮邦人頌遺愛棠陰吟處滿離愁  
峭帆亭下問遺踪歷歷朱旛渤海東別袂乍沾秋  
雨潤征笳初動酒船空山川兩郡傳為政魚鳥三  
年盡識翁獨有舊僚情不斷長宵繚繞夢魂中

天竺訪恒上人

暫謝塵中累來尋世外緣一筇秋色裏雙樹白雲  
邊蔬笋分香供風旛問舊禪青山看未徧已到寺

門前

韜光

一徑扶筇上憑虛得倚闌江聲連雨暗山氣入秋  
寒白瀟雲千片青排竹萬竿飛來峰頂石直作下  
方看

滌煩閣坐雨

紆迴路轉衆峰頭選徧名藍此寂幽身到閑時宜  
坐雨人來高處恰逢秋千尋碧篠參天上百道飛  
泉繞砌流底事湖山圖一角烟雲渲染似滄洲

湖上戲占

踈柳寒蟬共寂寥秋來游客黯魂消東風回首湖  
隄路鬢影衣香第幾橋

西溪道中

幽絕西溪路松篁夾岼陰斜陽生遠意流水淡塵  
心雲影偶然落蟲聲不斷吟行行秋色裏漸已入  
山深

將至肯菴

到此真堪浣俗顏翛然塵事不相關白雲有意如

蘭溪堂集 卷之七  
招隱流水無心自出山萬个風篁天籟冷一肩秋色  
野情閒幽期擬借精廬住竹杖芒屨日往還

花塢

如此清幽得未曾秋風一徑轉峻嶒携尊我是看  
山客挂錫誰為退院僧脩竹寒泉空翠落殘陽遠  
樹暮光凝烟霞若解留人住明日還來策瘦藤

為長卿題富春江上送春圖

東風飛絮兩依依一棹沿流望翠微誰寫天涯惆  
悵事富春江上送春歸

金縷歌殘可奈何尊前狂態半銷磨祇疑天際歸  
舟客不為筇篻恨轉多

天竺道中

西風吹落亂泉聲如畫溪山管送迎好景難留秋  
欲老清游恰趁雨初晴烟霞笑傲他年事香火因  
緣此日情便欲白雲堂外宿月明石上話三生

湖樓秋霽

湖山開霽色空翠一樓明人意同秋淡詩懷向晚  
清遠林經雨潤新漲到堤平擬放扁舟去烟波適

野情

韜光曉望

蘚磴風篁路欲迷  
秋陰步步轉危梯  
青山缺處見潮落  
紅日上時聞鳥啼  
隄影半分湖裏外  
泉聲不辨澗東西  
拈毫大有蒼茫意  
自掃莓苔就石題

赤山埠道中

淺水低橋泊小舟  
籃輿肩過碧溪頭  
人來烏桕村邊路  
僧在斜陽寺裏樓  
蠟屐幾雙供跌宕  
青山隨處可勾留  
探竒徧選林泉勝  
石屋烟霞正好秋

烟霞額道中

一杖撥雲入空山  
深復深茶香留晚  
翠樹老抱秋心澗  
曲流長冷峰高路  
易陰幾年塵夢隔  
此日愜幽尋

理安寺

乍入招提境迢迢  
碧蘚痕斷槁秋水  
渡破屋夕陽村竹  
密綠葳寺山深青  
到門木樨香滿路  
無隱亦無言

重陽前一日集瓶花齋即席留別

蘭溪集 卷之七  
霽色晴方好，離懷晚忽增。  
斜陽移小院，清影落疎藤。  
客久驚時序，情閑託友朋。  
茱萸明日酒，餘興尚堪乘。

浴鷺圖

曾記山陰放棹過，參差玉羽泛晴波。  
丹青忽見滕昌祐，一樹桃花照影多。

耕讀圖

蕩塘踈地垂楊枝，綠陰吹雨涼。  
絲絲幽人結廬號，知止貯書萬卷草堂裏。  
僅荷鋤兒讀書，一時寫作

家風圖百年素業，畊與讀吾儒得此萬事足。

瓶花齋夜話

一燈高館話相於，月上簷楹夜氣虛。  
但有詩篇圖主客，誰從世味覓熊魚。  
閑情向晚尤堪戀，舊雨能來不厭踈。  
明發扁舟又分手，海門回首隔菰蘆。

九日同張龍威魏更生張虞琴杜禹和恒上人泛湖分韻

荒蒲折葦亂寒烟，送盡秋光又一年。  
風雨未妨連日興，湖山長結此生緣。  
黃花有客不同醉，謂竹田西顛



烏帽隨人也自偏試與老僧尋好句滿天霜氣入  
詩禪

新庵

空林一徑破秋烟選勝無如此地偏但把茱萸酬  
暮節何須絲竹寫中年千重紅樹新霜後四面青  
山落照前去去不嫌歸路暝滿湖漁火送遊船

題施大醇九峰讀書圖

讀書堂外滿菰蘆九朶雲峰入畫圖潮落海天秋  
色老夜闌風雨客懷孤名山篋裏千年在塵事胸

中一點無訪舊不妨還蠟屐巖栖應有李潛夫

以越酒與西顛換武夷茶

携將越酒雙樽綠換取甌茶滿篋青縱飲任教嘲  
小戶清談端欲酌中冷先生久入劉伶頌賤子新  
成陸羽經一笑把杯真莫逆秋風秋雨落閒庭

再至韜光

到此留連不欲歸閑情真與世相違貪看竹色來  
精舍飽聽泉聲入翠微幾處涼颼傳夕磬滿天踈  
雨濕秋衣湖樓未是嚴城隔燈火黃昏任叩扉

遊獅子巖

扶筇六七里隨意叩禪關  
路入雲中濕苔從雨後  
斑秋陰移野樹泉語響空山  
不畏天風冷披襟一  
解顏

東竹田

爰從閑地著閑身屐齒過君不厭頻  
老去朋歡餘  
幾輩近來縞紵更何人招邀風月宜行樂占斷溪  
山為卜隣記取西厓詩句好一生所得是因循  
偶過法相寺口占示僧

霜滿空林秋氣清  
禪扉深處一燈明  
白雲只合閑  
來徃不向山僧道姓名

題竹田舊雨齋話舊圖

蕭疎池館滿秋陰  
清景宜從畫裏尋  
把臂湖山十  
年事對床風雨兩人心  
一堂自喜成嵇阮  
五嶽何須問向禽  
茗椀爐香同結習  
未妨情話入更深

輓樊榭

吟社驚聞失此翁  
無邊清淚洒西風  
忘年十載交  
情在小別經秋  
咲語空歸去道  
山應化鶴向來湖

海久飄蓬傷心刺把殘詩讀生氣長留五字中

烟雨樓口占

漠漠秋陰鎖不開  
菰蒲影裏見樓臺  
無邊烟雨南湖景  
都入襄陽畫裏來

秋晚返鹽官寄設林甌亭恒上人

清秋展良會小坐從芳筵  
十日罷酒去咲語紛依然  
而我判別心繚亂如理綿  
夢魂悵迢遞俯仰慚  
拘牽合并時苦短轉瞬悲  
長年誰能共一轍晨夕  
相周旋五鼎雖有味萬慮  
我自捐何當洗綺語觀

心同枯禪

得寧成一侍衛訃音

忽驚凶問到天涯  
頓使羈人鬢欲絲  
京洛正愁三載別  
泉臺况是百年期  
霜寒畫閣圍爐夜  
日暖芳原並馬時  
回首可憐陳迹在  
秋風秋雨不勝悲

署齋夜話同張龍威周臨川施大醇禮齋作  
晚雲吹不散夜氣冷秋燈宦味閑中減  
詩懷酒後增寒霜明瘦菊細雨落踈藤  
此意憑誰遣年來仗友朋

橫山觀朱竹垞先生題名

梅花谿上縛茅住結鄰但有梅花樹春風何處讀  
書臺中有竹垞清瘦句濶峰倒影入溟濛一水當  
門自迴互先生自是絕俗姿白首林泉計匪誤同  
游况有繆與周風雅賡酬凡幾度江湖魚鳥兩相  
忘此境毋乃天所付我生訪古嗟已遲一官落拓  
仍如故何時笠屐果清游試向鷗邊覓津渡

為吳司馬題小照

一官萬里騁驂騑不為邊沙賦白頭銀燭錦茵風

雪夜如聞樂府按涼州

當年牧豕助邊儲看遍秋光過上都何似一尊官  
閣裏青山滿眼話西湖

題張怡亭觀瀑圖

科頭松下似忘情一道飛泉照眼明彷彿香爐峰  
上坐天風萬壑落秋聲

枕流夙挹超塵想潤物還存濟世心偶借畫圖為  
寫意泉聲山色搃知音

題吳江張玉川古今論畫詩

詩中有畫畫有詩摩詰曾傳輞川作後來坡老復  
兼之信是胸中具邱壑酒壚粉本安可師要是天  
機隨筆落玉川家本住吳江吟寫丹楓興所託揭  
來示我論畫詩直把源流歸筆削潑墨要在絕町  
畦解衣奚止看磅礴興朝善畫不一家櫟園西  
坡妙斟酌今復得之玉川子詩畫從教鼎峙各

題周澄川秋江晚泊圖

西風吹冷一江秋鴻雁聲中小泊舟坐久不知明  
月上蘆花如雪滿船頭

吳淞江上浮家客畫裏風光近十年此日披圖尋  
舊夢吟魂猶在白鷗邊

題聽秋圖

林葉著霜紅翻同花弄色涼颼何處來聲落溪邊  
石

空山絕行迹松吹時起兩幽人有會心脉脉若相  
語

過永安湖

烏帽駝裘興未闌永安湖上小盤桓一行白鷺衝

波起四面青山倒影看勝地不知誰是主閑身肯  
信我猶官悠然忽動扁舟興幾許吟懷付釣竿

月夜泛舟鷓鴣湖

涼月初生光破碎鷓鴣飛入玻璃內溪風一棹相  
招携吹盡秋聲落蓬背野槁灣處菰蒲深為我袂  
濯塵土心烟波十里水天色大好載酒供幽尋中  
宵對景看不足漁燈幾點渚蒲綠興酣更作濠上  
吟定有笙鏞和幽谷

題秋岡曳杖圖

一抹秋林深復深山人曳杖問秋音祇緣秋在林  
深處行過雲陰又雨陰

秋日同龍威游金粟山

瀕海多奇峰勢若神所鏤入秋事登陟緣畦窮野  
堠豁茲耳目奇失喜脫塵囿晨光澹踈林嬌雲蔽  
遙岫陰磴垂千尺巉絕穿積溜蜃閣時晦明洪波  
或吞受風雨來半空蒼茫失晴晝俯瞰千村迷屹  
立一峰秀賈勇探幽景小憇得梵楫雜花媚秋容  
暗泉噴幽竇了了浮脩眉丹青妙刻繡剏造自孫

蘭溪堂集 卷七 十一  
吳殘碑不可讀但能辨旃蒙漫漶失蝌籀弔古餘  
遙情興廢理孰究東望秦駐山坤維相躡就圖經  
九十九羅列如飭餽覩此造化工靈境為輻輳此  
中有芝田或者羣仙耨摩抄長松下恍聞笙竽奏  
野衲建精藍忍草徧寒甃渴資茗柯清氣溢襟  
袖暫解人事縛一與烟霞覩同游競躋攀吾意仍  
稽留微吟愔忘歸餘青戀回首

冬日澈浦道中

寒雲漠漠草蕭蕭歲晚風烟半寂寥木落山頭微

見樹水平浦口不通潮百年事業身將老千里家  
園夢轉遙剩有壯懷無所寄海天空處看盤鷗

寄送雪舫歸楚

大江舟楫紛參差衡陽山色遠莫窺十年一官今  
始歸秋風蕭騷吹鬢絲愧予滄洲職所羈清夢繚  
繞徒追隨悵後會兮幾何時幾何時吳頭楚尾長  
相思

題周止園墨蘭卷

卷為金陵妓女徐翩翩作  
舊歲高文恪公家今歸武

林鄭氏

周郎畫蘭不在蘭徐娘色藝秀可餐傾城名士兩  
相悅絨情一寸留霜紈十四粧樓鬪金粉百年電  
掣繁華盡草堂歲晚對此圖南國風流嗟未泯傷  
心幾輩出青泥蓮子幽坊禮導師翩翩中年出家  
為尼居蓮子巷  
勝他飛絮園中會檀板金樽兩髻絲

送別湘南

荆楚真名士江湖老寓公論交萍水際得意笑談  
中誼以忘年重情因好古同如何當歲暮別緒轉  
匆匆

聚首知何日分襟悵此時那堪多病客重賦送行  
詩海内存風雅天涯繫夢思澧蘭與沅芷千古見  
心期

蘭藻堂集卷七終



蘭藻堂集卷八

養疴偶存

荜畝舒 瞻雲亭氏撰

思歸

物外何須汗漫爭每於濠濮悟閒情塵埃自咲無  
長策奔走空勞悞半生歸去家園三徑好病中身  
世一漚輕秋來好踐柴桑約夢與西山續舊盟

擬古

盤盤千尺松託根在層巔永為羣木長不爭凡卉  
妍棟梁亦易事偃蓋垂千年嗤爾苑與枯造化終

無權所以君子心遯世無悶焉

幽人住空谷時亦感憔悴何況風露涼歌枕不成  
寐啼月蒼乍喧窺燈鼠猶恣於我寧終傷在物詎  
足異用舍善行歲守道唯自貴

夏王惜寸陰隙駒恒自警浮生苦紛營閉門事幽  
屏羶青聳寒肩篝火耿漏永如何升斗謀虞坂矜  
馳騁誓將荷長鏡逍遙返鄉井

秋柳四首次曹六圃韻

千絲萬縷半凋殘吹盡秋聲入蓼灘濃影舊曾遮

畫舫涼陰猶自裊漁竿淒清羌笛難為聽搖落江  
潭不忍看幾度攀條相贈後當壚風味久闌珊  
彷彿鶯黃映薄暉離亭別曲最先聞秋光歷歷鴉  
千點落木蕭蕭雁一羣灞水自來頻送客玉關徃  
事憶從軍天涯盡是銷魂處空記飛花咏白雲  
蕭疎池館畫簾垂九十春光悵莫追落落祗餘開  
倦眼青青不復鬪纖眉曲殘烏夜清霜重秋老河  
梁暮雨悲已過三眠愁緒了者番憔悴又緣誰  
曾徬隋堤萬樹來枝枝葉葉委塵埃自從老去纖

腰束那得相逢咲口開錦纜牙檣空逝水踈烟冷  
雨湍荒臺禪心久悟叅寥句為爾柔情已半灰

歲暮

薄宦去鄉縣天涯作遠游久知衣帶緩不問歲華  
流感舊愁聞笛懷人怯倚樓殘年風雪近斟酌木  
棉裘

題春山讀易圖

春山風日佳草木含生意幽人味道腴開軒俯萬  
類滴露細研硃一卷聊自寄直從羲皇叅不似漢

儒議月窟與天根動靜隨所值大可見天心豈止  
明趨避平生誦周孔寡過本素志雖未窺藩籬亦  
復脩巾笥何時坐春風從君析秘義悠然向前山  
山光轉蒼翠

病中遣懷四首用竹田五十生朝自述韵

病餘身世覺相違較量從前計畫非紫陌看花成  
昔夢青山曳杖稱初衣雲霄回首途仍隔菽水頻  
年事久稀此日故園歸正好春風隨處有生機  
彈指光陰歲屢更天涯遊子若為情謾言作吏非

餘事除却耽詩畫強名禪板蒲團尋後約梅花修  
竹愧前生布帆滿載書千卷南面猶餘稽古榮  
幾年浪跡浙西東冷落荒居一畝宮送盡春光塵  
夢裏滴殘花事雨聲中田園况味思陶令得失回  
緣悟塞翁檢點輕裝無別物依然兩袖是清風  
歸心早上木蘭船恰為湖山一悵然薄官已看經  
兩度 皇恩奚止住三年胸中邱壑難持贈榻畔  
烟花祇自憐好待秋風蘓病骨家園隨意作頑仙  
送關震西赴陝

百二重関入望遥江干折柳送行軺讀書事業知  
無負話別情懷未易消漫說一官酬本分好從萬  
里見風標相期自有千秋在不僅鴻魚慰寂寥

初春口占示張隱羅

檢點琴書上野航漫教魚鳥笑人忙往時問俗慙  
無補此日歸休自不妨共濟何須思李郭入林端  
可傲山王春寒肯負淒清月窗外梅花影弄黃

留題武原署齋

一載滄州吏棲遲屋數間春風吹白袷歸夢落青

山掃地花猶落開簾燕未還多情梁上月曾照舊  
吟顏

出縣

去去休嗟行路難武原城外拂征鞍平生學問閑  
何事一載塵勞媿此官別路偶沾春雨細羸軀無  
那曉風寒桑麻雞犬皆堪畫到處圖經不厭看

斜橋阻風

一篙爭挽向橋東水逆渾疑路未通乞得官亭分  
臂手任他朝暮石尤風

重過當湖

柘湖湖水碧於羅重倚東風一棹過魚鳥有情憐  
客病歲民無恙洽春和浮埃閱盡身逾嬾陳迹看  
來感自多景物不殊鬚髮改七年心事半蹉跎  
丁卯年曾  
令此

別杜禹和

三年欣對榻此日悵離居曲水觴猶在同舟願已  
虛雲昏千嶂外月落五更初倘遇春潮便無忘雙  
鯉魚

藝舫東鐵珊

輕舟信宿鵲湖濱萍絮無端問舊日一榻重逢賢  
地主半生空負苦吟身論文酒畔思前事握手天  
涯更幾人聞道梅岡花信早筇杖有約踐芳春

古意四首寄恒上人

灼灼園中花開落隨春風菁華貴自保何必憑天  
工

蘭為王者香不免當門鋤所以古哲人必擇地而  
居

松柏歲寒姿後凋冰雪裏當其未遇時不如桃與  
李

渭川有修竹勁節含虛心一經風雨來時作蛟龍  
吟

過張園

十杉亭子占湖漣重泊輕橈一問津別後星霜逾  
七載到時花柳恰三春渚禽掠水先迎客語燕窺  
簾欲近人茶竈書牀容澹蕩者番不是宦游身

宰時曾書懷清堂詩支分茶竈清閒  
地位置書牀澹蕩人為亭聯今尚存

次韵荅丁鈍丁問疾

示疾類維摩生涯可奈何官休來客少春老落花  
多飲酒思元亮浮家問志和謂鐵西湖新漲好應  
待洗殘疴

當湖官舍東翟圖南明府

圖書雞犬羨浮家勿勿春風閱歲華客舍尚餘三  
宿約歸途重問五湖槎新猷到處歌黃犢舊句無

人護碧紗

予向有詩留署  
齋今無存矣

輸與水曹清興好開尊

官閣對梅花

堂前新置  
梅數十本

擬崔珣美人嘗茶行即用元韵

日遲烟暖當好春桃花落處和輕塵綠窓睡覺殘  
夢斷紫芽催煮香撲人松濤似雨清可掬報道鐺  
中初沸熟入唇未破櫻桃紅傾甌已露春纖玉昨  
宵中酒眼如水侍兒欲扶扶不起中冷吸罷神思  
清咲泥檀郎徵故事

寄汪秀峰

判袂經三載無由問起居故人春樹外別夢海潮  
初咲我謀歸計憐君有報書相思不相見惆悵復

何如

春雨

東風吹作雨二月釀輕寒柳色烟中綠梅花笛裏  
殘無才非寄傲多病合休官便欲浮家去生涯付  
釣竿

約龍威作東湖之遊

風雨連宵未宵晴江鄉節序近清明梁間乍見翻  
飛燕柳外初聞睨皖鶯自喜得閒祛俗累未妨即  
事寄幽情與君舊有牽舟興好趁烟波載酒行

哭汪豐玉孝廉

名仲鈞予午  
聞所得士也

聲價璠璣重藝林少年知爾擅清吟不堪黃土長  
埋玉從此春風欲碎琴橐筆未酬千里志瓣香虛  
負一生心祇餘七尺題銘在芳草垂楊湍夕陰

題馮容大無波艇

三間新樣似吳舫六扇踈檣挂綺寮儘有烟雲為  
供養况無風浪足逍遙浮家底用借船帖載客兼  
容貯酒飄飄泊年年應咲我幾番夢醒浙江潮

清明日鐵珊招同泛舟東湖歷游諸園得詩



十首

一篙撐破滿湖烟  
問訊鶯花上已前  
祇有垂楊如舊識  
春來青眼故依然

芙蓉堤畔十杉亭  
芳艸芊芊滿釣汀  
更上水明樓上望  
遙山九點海門青

五層塔影倒波心  
野寺門開春水深  
剎有山僧公案在  
石泉槐火鬥清吟

咫尺珠園仄徑通  
軒窗四面映玲瓏  
寂憐小榭臨湖曲  
鷗鷺飛來似鏡中

黃雪山莊傍水涯  
十分春色未全賒  
東風似解游人意  
開遍梅花又杏花

學士歸來臥五湖  
江村消夏繪成圖  
玉堂事業千秋在  
墓樹春深叫鷓鴣

又放輕橈過案山  
茫茫烟水野鳧閒  
平原家塾今何處  
問字無人載酒還

棲心寺額永春風  
宸翰移來柘水東  
一樹紅椒零落盡  
誰將遺稿問琴聰

湖樓舊夢尚依稀  
九派清流澹夕暉  
贏得梁間雙

燕子啣泥還向故人飛  
歸舟容與過前灘如此溪山恣飽看畢竟今年天氣好不將風雨作輕寒

過北墅悼南香先生

城北幽棲地尋詩記舊遊  
高人今隔世過客又停舟  
門徑荒春艸烟波沒野鷗  
眼中風景異誰與話清愁

上巳東湖汎舟

三月三日天氣晴春風處處啼  
流鶯天桃穉柳鬪

生意踏歌陌上餘冶情  
我來暫借東湖住萍絮日  
緣惜前度湖頭物色未全非  
九峰遙對烟鬟暮當時一  
歡火迫餘南帆北馬歲月  
虛花時且酌尊中酒樂意  
還同濠上魚古今事業一  
彈指成佛生天亦妄耳何  
如閒喚木蘭舟吟遍六橋  
樓見弄珠好烟水

聞笛

春宵耿不寐鄰笛有遺音  
似訴関山怨徧驚旅客  
心落梅風乍斷折柳調初沉  
為爾添惆悵挑燈伴

苦吟

暮春偶作

客裏韶光似有期  
年年芳艸恨歸遲  
矛頭險語真聊爾  
蔗尾生涯卻自知  
鳥掠青楊烟漠漠  
人耕紅杏雨絲絲  
幾番放艇從西浦  
鷓鴣洲邊日賦詩

東湖

有西浦鷓鴣洲諸景

閉門

病久謝塵累  
閉門聊自歡  
擁書如對客  
省事當加餐  
地僻輪蹄少  
春深風雨寒  
他鄉遊子夢  
夜夜到

長安

食玉蘭餅

山厨寒食多冷淘  
別製餠飪從吳刀  
意取淡泊明我志  
不用修羊法  
乳蒸為饅玉蘭花  
發剛照座香  
清色皎韻最高  
趁此辦未落  
毋令雨忽遭  
先以散麵拌  
次用碧油熬  
柔姿那藉冰  
甌滌芳意  
徐教銀箸挑  
猶嫌太素味  
醇樸餠餹煉  
出七返膏  
問誰傳此方法  
巧無乃司花之仙曹  
酥煎牡丹詎殊譜  
醬調芍藥非同袍  
堆盤輕若片片紙  
入口爽動風颺

隨江堂集 卷一  
颺湏知肉食品不到瓊英恣嚼甍老饕老饕胸中  
未脫蔬筍氣萼羹杏酪指點厨娘操湘妃莪莪来  
江臯玉兒相並駕輕舸一時馭美胚胎果我腹絕  
勝盥手之薇醕面桃

題晚靜齋

習靜何妨晚心安事事宜鶯花隨領略衡泌樂棲  
遲餘興頻中酒閑情不廢詩蕭然空萬有唯與古  
人期

張怡亭招集十松亭

林亭一角倚湖隈蠟屐招尋不厭来好事主人能  
爰客嬉春天氣共啣杯深深竹徑通幽檻漠漠花  
陰覆小臺游興肯回風雨減後期約在牡丹開

雨中集吟息軒

門環流水曲通航話兩無嫌阻一方小住忽逢連  
日飲高談不減舊時狂官從假後身多暇詩為催  
成稿待商莫悵春光過上已露桃烟柳正含芳

次韵谷高峻齋

弄珠樓外監吟旌七載重来尚有情馭屐肯回多

蘭溪堂集 卷一  
病阻一尊頻向落花傾園亭到處酬良約鷗鷺隨  
人續舊盟更羨參參堤畔柳春風幾日綠陰成  
掉臂何妨咲入林閒身落拓鬢毛侵笙歌隊裏非  
同調山水緣中有賞音暫借鶯花供倦眼偶逢朋  
好暢幽襟候蟲時鳥知無補篆刻應慙廿載心

喜竹田過訪并示龍威

東湖幾曲水滌洄三月花風次第催官簿乍拋羣  
吏散布帆無恙故人來離情不厭通宵話昨夢難  
忘聽兩杯好約比鄰張處士牽舟同問釣魚臺

送大醇入都

挾策走風塵天涯物候新鶯啼千里夢柳老一江  
春歲月堅初志功名愛古人高堂添白髮珍重遠  
游身

凝香艸堂看牡丹分韻

重逢舊雨翦春蔬小艇來尋水竹居紅壓畫欄新  
雨後香飄錦幔午風餘吟身不惜曹騰醉花譜猶  
煩次第書此段韶光須領略名園還往莫教踈

三月晦日集水西雲塢送春同壽門竹田浦

山怡亭月騫鐵珊分韻

湖上春將盡天涯客未歸餘花猶在眼飛絮忽沾  
衣別夢縈芳艸吟情戀落暉今宵故人酒傾倒莫  
相違

烟雨樓訪逸亭上人次壁間錢香樹先生韻  
每逢勝地即行吟烟雨樓邊路更尋幽鳥數聲啼  
野榭垂楊四面散湖陰扶藜自喜成閑客握手差  
堪慰夙心禪榻茶烟留小住病餘猶不廢登臨

雙橋道中

百里江城路扁舟泛夕曛帆隨曲岸轉水到野橋  
分綠樹連村暗荒雞隔浦聞浮生愧萍梗只合侶  
鷗羣

自題春湖養疴圖

赴壑修蛇那可追江湖身世偶參差篋中光景青  
山在病後心情白鷺知半榻茶烟風裊裊一春花  
雨鬢絲絲憑誰細話三生事試問當年杜牧之

石泉為余書蘭藻堂集詩以謝之

弱歲弄筆硯結念在儒林十年滯一官碌碌隨升

沉賸有耽詩癖到處工幽尋匪以誇操觚聊爾娛  
素襟積累盈卷帙不計歲月侵棄置良可惜刪削  
謀厥鋟勞君生花管寫我候蟲吟細筋若垂露勁  
骨如懸鍼昔聞林中翰八法工摹臨漁洋與堯峰  
善本傳至今詎敢忝兩家窠石躋高岑感子意則  
厚何啻獲南金烟波悵歸去握手情彌深歌聲滿  
潭水別緒縈柳陰何時向湖山重與賦盍簪

蘭藻堂集卷八終

蘭藻堂集卷九

蘭藻堂集卷九

借園草

寓小有天園

菴畝舒 瞻雲亭氏撰

暫借園林住真因病得閑窓虛延綠樹枕近得青  
山野趣時堪領塵氛已盡刪高僧在鄰曲隨意叩

柴關

謂嶺雲上人

南山亭

南山亭子好扶杖一登臨嶺樹連天暗湖雲帶雨  
陰屏間凍水字石上米顛琴懷古空搔首斯人不



可尋

園中坐雨同劉禹州施禮齋焚虛嶺雲二上

人

空山一雨亂飛烟風柳風篁綠漲天野興共拚酌  
笠屐閑身祇合住林泉淙淙石乳鳴雲竇漠漠湖  
陰罨對田更乞巨然圖水墨好從畫裏證詩禪

詩花

小草何足數嘉名頗瑣細昨向市上來籬根引水  
蒔竹陰何娟娟墻東雨初至綠莖抽參差閒以紅

白蕊吾思萬物性培植有至理百藥叟籠中曾不  
遺遠志託根非百尺詎免蓬蒿耻繁英敷春華未  
及秋蝶萎咲彼杜陵人金碧供花子

題西顛花塢卜居圖

為愛青山好結廬無多家具只琴書頭銜合署烟  
霞侶齋榜應題水竹居嶺上白雲堪自悅花間紅  
友咲相於先生更有天倫樂日著斑衣奉板輿  
小築新開一徑偏萬竿修竹引流泉那須秣馬尋  
盤谷便可移家學稚川無盡溪山都入夢四時風

月不論錢誅茅何日從君住畫裏心情已十年

宿壑菴

窓中一峰好玲瓏若九華石牀昨夜宿衣上唯雲  
霞晴曦媚綠樹幽鳥啼丹崖采隱思子真白首同  
攜家

萬峰山房同嶺雲上人作

地僻人踪少禪扉畫不扃湖分一角綠路轉萬峰  
青啼鳥隔修竹清陰滿畫屏相將話幽事趺坐譜  
茶經

為秀峰題照

暫於方外寄閑情居士何妨號淨名我亦年來味  
禪悅藥鑪經卷證無生

雲林寺示巨濤上人

為訪禪關入翠微籃輿十里過林扉泉穿石罅流  
長冷峰愛亭空住不飛病骨漸輕元勿藥高僧相  
對自忘機晚晴天與歸途景金碧湖山正落暉

冷泉

泠泠山下泉皎潔如寒玉清陰滿虛亭餘響傳空

蘭溪堂集 卷九  
谷我来坐松風曠然開遠矚白雲一縷生界破群  
峯綠

飛來峰

一峯自飛來屹立招提外猿鳥有道心草木多靈  
籟幾經歲月深別擅乾坤怪直上繙經臺悠哉聞  
梵唄

題秋林讀書圖

平生不識三過法謬以所見窺古人查牙老樹雪  
色冷坡陀竹石何紛綸疑有幽人結茅屋詩瓢酒

殘當千春我欲從之徑路絕歌聲暮起滄浪津

解糴

節物傳重五尊前角黍新青菰粘更巧香稻裹初  
勻餽食勞歡手堆盤憶楚人寒衣猶未卸珍重歲  
時身

五月一日重遊虎跑泉用東坡先生韻

茸茸烟草暖生香徑轉松陰客意涼地勝不妨游  
至再身閑取喜晝初長筇杖風袖思前度布襪青  
鞵到上方湍路泉聲聽不斷源頭一滴試分嘗

含暉亭同禮齋嶺雲作

一徑沿緣入松篁路幾灣  
奔泉鳴亂石濃綠染空  
山心與境俱遠身隨僧  
共閑含暉亭上坐日暮  
不知還

石首魚

何處撼潮聲堂堂復策策  
刺眼見金鱗釣公來海  
舶茲鄉春夏交販鮮如  
置驛香宜芼杜蘅鱠可  
配酒炙絕勝通印魚饒  
奴咲狼藉一夕秋風生  
化鳧仍戴石詩成類食  
單分餉松陵客

得孟友石訃音

別夢依依滿江渚故人  
落落如晨星襄陽耆舊  
今彫謝腸斷他年過孟  
亭

送濮長人掌教分水

五月桐江梅雨寒載書  
船上子陵灘一羶舊是  
平生業八品新除本分  
官大有溪山供嘯傲何  
妨肯菴薦盤餐白雲村  
外幽栖地好為吟情問  
老干

觀泉

流水閑無賴滔滔委逝  
波亦知清寂好其奈出  
山

何

兩中游絲

細雨熟梅候陰晴無定時晚涼散輕埃映空見游  
絲彷彿理寒髮委地光參差橫風吹不斷一碧縈  
繞之誰云翠羽化竟作繡線垂蛛網懸屋角茶烟  
颺杳恩托根既無所宛轉良不辭紛然悟物理用  
筆聊爾師

晚入萬峰山房次竹田韻

問訊安禪地從君薄暮行雙肩分墊色一杖帶泉

聲樹密留殘雨雲歸失晚晴此間堪結夏相與話  
無生

雨後

雨後看山綠轉濃層嵐疊翠一重重池前滴溜添  
新漲湖外歸雲起別峰多病兼旬踈酒琰閑身隨  
意引詩筇日斜獨向松陰坐數盡南屏寺裏鐘

題嶺雲上人竹趣圖

嫋嫋一林風瀟瀟萬竿雨道人會心時聽幽修  
語

蘭溪堂集 卷九  
賦得細葛含風軟

無斃纖絺服新頒自大官  
輕容宜澡雪香氣欲吹  
蘭稱體千絲細鄣風五月寒  
生衣雖詡健未許一同看

雨中集小有天園同江聲丈東壁秋  
滕設林敬身甌亭竹田槐塘復齋  
龍威荔帷焚虛

嶺雲分韻

五月霉陰合苔痕自入簾  
留賓無白墮却病有青  
黏濃翠落庭樹浮嵐上塔尖  
倚闌同看雨險韻試

分拈

啼鳥一聲寂群峰四望青  
涼烟冑修竹飛瀑濺空  
亭坐久忘倫次談深發性靈  
晚晴如可待携手上南屏

為汪穗英題照

石瘦梅疎亦太廉無多春色上  
毫尖幽人盡日凭欄坐  
一縷茶烟自捲簾

園亭新闢十弓寬位置宜從畫  
裏看更種篔簹三百六清風日  
日報平安時新葺小園

晚坐南山亭同熨虛嶺雲作

病餘猶不藉人扶直上峰頭坐野蕪斜照紅分千  
樹晚亂山青擁一亭孤屏間鳥語清如話檻外湖  
光澹欲無佛印參寥同覓句風流端可繼髯蘓

西山道中

十里雲嵐度筍輿乍晴天氣袷衣初閒閒流水心  
相似簇簇竒峰畫不如處世定難兼木雁思歸豈  
必為蓴鱸名山便是輕身藥未到秋風病已除

雨中

南湖一帶水雲昏濃綠陰中百鳥喧近日愛閑兼  
習嬾經旬坐雨不開門  
池塘盡日聽鳴蛙門外垂楊岬影斜梅雨滿天人  
不到自依水檻看蘋花

晚晴放舟湖上

晚晴風景竟如何倚棹人從畫裏過白傳堤邊芳  
草亂黃妃塢上夕陽多四圍山色靨橫黛一片湖  
光似研羅莫擢扁舟便歸去月明留待聽漁歌

採蓮曲

笑上採蓮舟，撐入裏湖裏。湖空不見人，四面圍烟水。

蓮花朶朶紅，蓮葉層層綠。日暮採蓮歸，渡槳人如玉。

銷夏分賦得風

風荐爽，搖空蘋末起。竹陰通，荷氣捐暑。茶香發，蒙清冷。吹小雨，蕭瑟颺。踈桐涼生殿，角無迹。波動簾痕正，中赤日黃塵銷不得也。應來自楚王宮。

輓巨濤上人

祇園會上舊沙彌，金粟如來是本師。六十四年塵夢醒，歸山無異出山時。

飛來峰外雨初晴，石上流泉咽不鳴。欲叩禪機何處是，碧天如水月空明。

當年問法過雲林，世外塵中結賞音。定版明燈依舊在，更無人說去來今。

溽暑遣懷

愧為湖海人，側身風塵遠。中懷清自捫，六府淨冰炭。綺語安用多，敦敦媚几案。出門畏愁霖，衣衿溼。



涼霰晴陰變朱夏泥泉自漑灌青蝇適何來營營  
改昏旦故人共晨夕樽酒致縉綬慷慨語孫登詞  
賦動王粲尋常衆目憐詎免俗情遣依然抱殘編  
吐氣激頽慙慙非廟堂器棟宇資強幹何當蒼鷹  
飛秋空搏羽翰高歌豁煩襟天涯吾所歎

遊花塢

一條寒玉瀉流泉數里修篁不見天精舍人來開  
蘚徑空林雨過散茶烟平生幽興元如此六月新  
涼却偶然應是天公憐病骨十分付與看山緣

壑菴池上納涼同竹田熒虛嶺雲起霞

池館清無暑松風一壑長山光分竹翠水氣度荷  
香巾襪都堪却茶水喜共嘗幾多蕭散意消受北  
窓涼

水蜜桃

海上緗桃樹樹圓故人遠餉自吳船忽添伏日冰  
霜味却趁秋風瓜果筵箸籠乍開當露下草堂分  
種待春前題詩漫向宣平乞蓬島迢迢隔紫烟

雲林避暑

清風如導客引我入山深古木千章合涼蟬一路  
吟人間多熱惱世外快幽尋石上流泉冷悠然共  
此心

法喜寺示恒上人

肯使山靈咲我忙追尋初地覓清涼風泉雲壑如  
相待素侶緇衣兩不妨有味住山元本色無心傲  
世但踈狂齋厨日暮分香飯煮笋烹葵得飽嘗

積雨初晴張浦山過訪有作即次其韻

飛雨偶然止流雲散高城開門看青山濕翠檐際

平溜溜石竇響漠漠烟霏橫濃綠欲障天一線留  
虛明悠然似太古曠觀悟達生故人遠方來空谷  
聞秋聲為我傷遲暮相期采荃蘅良話坐移時心  
跡喜雙清茶罷悵分手低徊空復情

曉入南屏山房

石磴雲房一徑幽故人茶話小勾留到來六月渾  
無暑坐聽涼蟬報早秋

空山風露曉來清竹翠松陰畫不成一醒十年塵  
土夢祇餘泉石未忘情

七夕同竹田作

此夕陳瓜果頻年悵遠游閑身慵乞巧病骨喜逢  
秋竹露涼初下荷風晚未收與君一樽酒聊爾話  
清愁

暗門道中

涼風乍起暑痕消數里南屏路不遙破曉籃輿入  
城去藕花香裏過長橋  
錢家灣接馬家灣一派蒼茫烟水間綠樹簾中人  
不見泥金粉本畫湖山

坐契原州堂

佛屋多秋意頻來為納涼山低青入戶竹密翠過  
墻茶事通三昧鐘聲滿下方嗒然人境外熱惱已  
相忘

三生石

訪到三生石欲覓留詩處空山不見人明月自來  
去

中元夜泛

滿湖風露作新秋又趁涼蟾上釣舟回首八年前

事在青山如梦話從頭丙寅中元  
曾夜泛  
何處歌聲破寂寥隣舟有客善吹簫荷花荷葉香  
無數人在西湖第四橋

銀漢西斜欲四更湖光山色轉空明游雲吹盡水  
輪滿此段秋容畫不成

佛火空林散曉烟涼陰漠漠送歸船清游那得如  
今日倭拍西風又一年

雲林東軒

惜惜涼意引詩筇行到雲林第幾峰半壁斜陽簾

影澹一庭秋色樹陰濃風軒啟處歌藤枕客夢回  
時入晚鐘此地不妨成小住近來心事儘從容

晚坐冷泉亭

傍晚携孤策尋幽過冷泉秋聲千樹落月影一峯  
圓樂事有今夕閑情勝去年道人分茗椀為話去  
來緣

玉鈎橋

外史風流久不聞石橋依舊卧斜曛何當一酌寒  
泉水獨向空山酌白雲

勾曲外史墓

古墓斜陽裏青山亂石多閑雲歸碧落秋色滿藤  
蘿遺蛻猶堪拾高名已不磨散花灘外路何日試  
重過

水樂洞

秋光上肩輿得得入雲洞老僧既前導奚囊亦後  
從探幽素所希歷險曾無恐况此崑谷遊不知巾  
舄重數里聞琮琤一道見寒汞古洞執曲盤疊石  
如抱擁中有玉龍飛噴薄轉洶湧不藉雷斧劈寂

適瓢飲用緇流供茗瓊一吸神清悚流連已向夕  
興盡欲旋踵渾疑游帝庭天樂醒塵夢作詩期後  
來身閒心更勇

新菴

庵名自古新梵宇何年構夾道竹風多入門山影  
瘦崑腹挺喬柯雲根瀉寒溜坐久欲忘歸斜陽滿  
襟袖

曉泛

曙色如初暝湖波一片明移舟涼月外隔岸曉烟

生但有禽魚樂兼之風露清勝遊話疇昔忽忽物  
華更

白雲堂坐雨

白雲堂外坐一雨覺涼生萬竹酣秋意千峰落澗  
聲艸蟲踈欲斷佛火晚逾清二老風流在聯床話  
舊盟

為諸桐嶼賦鑑湖嬉春詩

鑑湖新漲暖浮烟無數明妝上畫舫忽訝一枝春  
色好雲容水態挹堪憐

柳姑廟外柳飛花一片澄波似若耶試問春愁定  
何處苧蘿村畔女兒家

淶波不動酒微寒桃葉楊枝一例看風味箇中須  
領略樹頭還有越梅酸

江草江花繫夢思舊游回首負芳時年來亦有樊  
川興惆悵尋春去已遲

次桐嶼韻六首

湖波灑灑雨絲絲翠袖紅裙弄水時曉寺鐘聲殘  
夢醒年年心事似微之

無數飛花撲酒船薄寒天氣晚春前移來合傍垂  
楊泊嬌小宮鶯家可憐

節序匆匆又浴蘭家家櫻筍薦春盤近來鄉味都  
拋却只愛江南一點酸

笙歌十里彩雲飄來往輕舟似弄潮偶向紅牕窺  
半面春魂脉脉已全消

漢臯密約已分明預擬秋風打槳迎試覓畫工圖  
軟障真真還不及盈盈

咲我清狂中酒多拋殘手版卧烟蘿祇餘一種心

情在依舊聞歌喚奈何

題鐵珊蘭玉堂詩集後

我疑瘦島君前身妙語著紙珠璣新白頭雕鏤費  
肝腎山肩夜聳忘苦辛塵埃偏反果何樂九峯之  
下有茆屋薄田可耕溪可漁人生萬事奚不足昨  
來示我一束詩海蜃青紅眩凡目前年薄宦遊拓  
湖刺船與君聽菰蘆憐予亦有耽詩癖酸醎頗與  
時人殊淡然無味聊自娛青冥安望勤吹噓但吟  
老鐵體物句勝看劉郎蕃殖圖

秋曉

一夜林塘雨開門秋草生迎涼初減病省事若忘  
情踈柳含烟重殘荷照水明江關蕭瑟意無那庚  
蘭成

秋湖采蓴圖為曹荔惟題

西風瑟瑟雨踈踈八月蓴絲綠滿湖一棹扁舟人  
載酒水仙祠外狎鷗鳧  
豉鹽風味舊曾諳入饌鱸魚晚更酣不用秋來動  
歸思此身猶自在江南

雪莊七詠

師白草堂

買宅隣稚川讀書慕居易平生一瓣香遙遙千載  
寄

復齋

井底回微陽閨中添弱線隔水早梅開天地之心  
見

竹笑軒

娟娟抱節君風至如含咲幽人獨坐時領取虛心



妙

鏡湖樓

高樓瞰明湖  
彷彿開圓鏡  
岬柳與汀花  
枝枝皆倒映

待月廊

薄暮遶長廊  
步屣清興發  
林際生微明  
遠天初吐月

寶雲精舍

爰此寶雲山  
對面開精舍  
飛翠一窻濃  
遠景如相

借

雪舫

數椽結構幽  
非舟亦非屋  
卧雪不開門  
冷趣悠然足

曉入天竺

青山處處可  
登臨一杖穿  
雲不厭深  
鳥踏高枝翻  
宿雨龍歸古  
洞閉秋陰  
烟霞舊有三  
生約塵土  
聊酬此日心  
欲向菩提尋  
妙悟空林風  
送海潮音  
為唐青岑題  
聽秋圖

數竿修竹幾株桐秋色無多小院中獨對一編窓  
下坐晚來聽雨又聽風

同敬身甌亭復齋玆虛讓山南山看桂分韻  
清秋風日佳言尋南山路十里度肩輿直入雲深  
處石磴轉紆回蘿蔓相縈附仄徑不通車幽尋宜  
緩步迤邐過前峰憑高一小住黃雪滿巘阿妙香  
來藂樹室叅無隱禪欲續小山賦同心三五人隨  
意理茶具幽賞欲忘還相將得深趣夕陽忽在山  
暮色催人去歸來興未闌共作游仙句高詠對西

風似得湖山助

南山亭秋望同護林竹田分韻

重湖清影散鷗群獨倚筇枝對夕曛山自雨餘看  
更好秋從高處覺初分仇池勝境開生面米老風  
流記舊聞盡日憑闌吟不厭亂蟬涼葉轉紛紛

同鐵珊讓山湖上看秋荷并訂遊南山

漠漠涼陰一鷺飛湖山清景入斜暉水仙祠畔擘  
船過處士村邊載酒歸並檻花光留晚艷開樽秋  
氣落練衣來朝不負登臨約好共尋詩上翠微

蘭藻堂集 卷九  
遊龍井窺過溪亭舊址不得次竹田韵  
相約理游事一徑入清陰問訊南山隈蠟屐窮幽  
尋層岷度松聲隔竹聞泉語未辨去來踪但識攀  
躋處風流緬二老溪上留空亭荒烟埋勝跡斷澗  
猶清泠試茗龍井泉小坐倚籬落古寺咽鐘魚山  
禽破寂寞手摩朱老碑歲月裛前游更待霜葉紅  
重來看晚秋

蘭藻堂集卷九終

德政上

卷

十一

Blank lined writing area with vertical columns.

